

荆駝逸史

錦章圖書局
印行

100

100

100

100

100

100

100

100

100

100

100

100

100

100

100

100

100

甲行日注卷六

松雲巢納 木拂 纂

五月初一日辛丑晴周長生携酒集浮馨軒

初二日壬寅晴至簡村伺信在伺即往東庄

初三日癸卯晴

初四日甲辰雨微晴往支硎山

初五日乙巳芒種晴往武水雲間初衄奴搜詰逋亡道路雀沸至平望益亟余不得已與

信登岸從別徑行雨後瀟淖錯趾可躡蹙雙田塍間得至通濟庵舟人可無事行出鶯

脰湖始下船抵武水昏黑矣

初六日丙午晴早至智證庵會行門尊宿吳人也老成風雅別八年矣余病肺甚至失音

初七日丁未晴夜大雨迄曙

初八日戊申晴庵有隣人昔曾識余者屬致一牘於王敬錫當以一百二十金為壽余曰

餓死事小夷齊亦非異人耳豈可通姓名於失節之叛臣哉託以方外故辭之

初九日己酉陰□八十餘船早至執錢彥林白旃癸酉舉人并徐似之名爾毅太宰忠懿公之子彥林素厚余

昨行門告之欣然許今日出視以周窮途而忽罹此此余之命也夫午後與信過王子

亮處

初十日庚戌晴飲丁舜哲家夜佺伺至

十一日辛亥朝雨午晴即香上人來訪

十二日壬子晴與即香兒輩往橋李至吳叔向家

十三日癸丑晴夜就巨手飲

十四日甲寅晴王其翼來即沽酒於叔向樓上為酌叙離悰也巨手虎文俱即座上和我

初度詩巨手云愁絕歸來止故廬猶疑行社未邱墟南陽夢香憐高卧老子門羶笑曳

裾避地幽人頻寄句驚天蠻令欲焚書心如活火真難冷長倚青雲閱紫虛一關山無

限夢來迷絕島雖聞未忍栖辮髮盡同遼海北留鬚重到浙潮西登樓懶作人間賦過

市愁聞馬上聲何日中原還握手笑將往事帶詩提二虎文云何處尋山可結廬但看

吳越半荒墟新愁白髮溪能鑿舊物青羶泣滿裾靜夜幾牽供奉思負暄應晒却隆書

亭亭玉樹臨風倚鶻咏千齡定不虛一楓江路隔望還迷星聚送占鳳羽栖魯望白雲

仍自北仙人紫氣却來西曾無穩夢聞鐘磬誰借前籌靜鼓鼙欲薦山中薇蕨酒宋林

處士莫教提二虎文出巨手夫人項吹聆春雪夜即事詩云倚此霏霏玉滿枝不將春

色問流漸涼挑宿火煉釵爵渴琢新冰潤盞蟠照檻花隣辛日弟穿簾燕侶介風姨才

郎甫奏梁園賦扶醉歸來又鬪詩駉落句似贈虎文新壺也朱文恪公孫女

十五日乙卯晴與可生往梅溪過宣公橋昔日繁華鼎盛之處皆成瓦礫烟雨樓折毀盡

矣兔葵燕麥動搖春風耳鮑明遠蕪城一賦千載在目渡湖南行二三里村舍皆在竇
谷中至梅溪檀藥益稠矣庵主大山光祿卿孫公瀟湘子也早年信佛師事天童乙酉
國變遂去髮以故墅為新藍庵東一樟樹甚大樹上有窻雨恒浸之昔僧以瓦覆雨樹
得茂蔚至今瓦上刻洪武六年僧某人蓋獨僧名漣浸不辨矣

十六日丙辰晴

十七日丁巳細雨返智證庵

十八日戊午晴丁甥豈乘來送西方書五帙

十九日己未晴

二十日庚申夏至細雨與佺復往梅溪

二十一日辛酉晴暮大雨大山贈詩云瞻仰衣冠日論文老衲身隨緣同作夢無意別
求人淡薄肝腸共英雄氣色新荒禪誰共語况我道稱貧

二十二日壬戌陰風晚晴

二十三日癸亥晴大風釋庵上人遺詩云靜訪蓬扉入翠烟十六日余堪迎遠杖晤溪邊

趨寒品古完臣節耽潔情高印佛緣響布鏗名諧勁調藻揮峻筆著宏篇且懸瓢沐茗
英弟也寶沐以諸生從卧子游故與徐似之同及於禍

二十四日甲子晴大風

二十五日乙丑陰大風午大雨

二十六日丙寅晴大風病河魚憊甚

二十七日丁卯晴

二十八日戊辰午後大雨

二十九日己巳風雨病中旅况兼之景會無能為情於此地作一粥飯頭陀猶尚緣乏耶
六月初一日庚午曉雨

初二日辛未晚晴

初三日壬申晴余友許蓮長

名天貴

贈詩云掉頭百丈馬鹿侵敢說神州挽陸沉屯昧只宜

驅短髮遜嘉不厭入山深黃金久已延梁儲白社從今飯道林亮節高從天際出鶴鳴
子和九皋陰許云徐忠毅公殉節時家人隨主雉經者六人不得之士大夫而得之臧
獲何地無賢者哉

初四日癸酉晴熱仲日與侗來

初五日甲戌陰涼仲日侗去

初六日乙亥小暑陰晦

初七日丙子晴午後大風雷電夜雨至曉

初八日丁丑陰風午後大雨

初九日戊寅晴

初十日己卯陰涼

十一日庚辰晴風與佳信往當湖馮茂還亦僧服久矣黃平立孫元襄同在二君俱高蹈棄子衿不就

十二日辛巳晴訪表姪馮子近亦僧服

十三日壬午晴晚坐荷花池畔涼風香韻爽致曠景山林園亭之勝備盡其美矣黃平立云見太白經天

十四日癸未晴熱

十五日甲申晴熱返梅溪侗在沈方思同來已去為徑山香菴也其徒按指在送茗筓布受之

十六日乙酉晴熱聞武康不拈香不拜口主位令逐之間關往江右就朝宗於寶華當今禪席一人矣

十七日丙戌晴熱三日可稱酷暑半夜白月映床影映櫺外拂拂有聲始得涼趣

十八日丁亥晴風與佳往興善寺寺在秦溪村深地古竹木為多馥林云舊有宋藏皆卷軸非摺本也萬歷初寺當中衰香火寥落箱函毀弛馮開之太史收歸置之鄴架忽元冥不穰烈燄中飛去法華華嚴二部華嚴八十一軸零星散及人有拾之法華七軸同

飛至王江涇墜具足庵金書牒上云興善寺藏故庵仍以歸寺箋印裝潢爛然古物後
又不知何時失去矣昔茂遠家有李龍眠畫天王像十八軸麈尾之灾人見飛出凌空
而去故知筆墨之靈有神焉呵護之况內典梵寶藏硤石山寺有藏經是五顯靈官一
夜寫就以就某禪師又不可思議至此矣興善西房院庭有大藤二三百年樛結如一
臺閣人皆謂之藤樓但不可登耳好事游賞幾無虛日房僧厭之歲在壬申一雪夜伐
去託雪重壓折也其徒數十人遂於半年中凋隕殆盡今屋舍亦僅存一二矣

十九日戊子晴

二十日己丑晴東塔禪寺自叅上人來

二十一日庚寅晴熱晡大雨與徐侗偕至西疇

二十二日辛卯晴涼晡又大雨徐侗往蘭溪茂遠子近來

二十三日壬辰微雨與偕往耘廬荷花開數百朵矣紅粧競語艷香紛呈不意離亂日有
此佳境別有天地非人間也當湖胡伯時纂輯死事諸臣傳忽其兄子患病有鬼附之
自稱李乾德欲見伯時而來伯時至則病者起而揖分寶主坐云受命任偏沅巡撫渡
江則口騎躡金陵矣有二十二姬侍及二子俱沉江中以孤身督兵決戰將士潰散亦
投江死乃有加以李陵之辱此何可忍偶過橋李烟雨樓見有人言公輯死事傳故來
悉之幸白此情事也仍揖而別病者如故夫人臣忠義碧血千古自不甘猥流誣頰但

伯時何人豈湘東金管遂能感動幽冥至今范蠡湖邊英魂相告

二十四日癸巳晴涼家中人來云理於十七日舟覆溺死圓通菴西水中傷哉惜哉六壬用子時占人來否午將為反吟己亥已有飛壬透易法癸上未己上亥易卦得泰六五即癸未爻衝動日辰故自當來又亥時占理三傳卯戌己水死於卯木絕於申為死絕卦六壬既不吉而易卦又得師爻三師或輿尸凶余甚怪之及暮而信至矣

二十五日甲午晴予白仲日佺侗偕至

二十六日乙未晴大風

二十七日丙申晴

二十八日丁酉晴熱予白仲日佺侗往杭州

二十九日戊戌晴熱晡大風聞可生遷化

三十日己亥晴偕往嘉善

七月初一日庚子晴大風曉幙生寒林聲入耳杜詩微冷先枕席矣聞穉立於十九日己傷五月間猶托子墨設余遺以彫杭嬰道又忽奄化異物朝露真可悲傷

初二日辛丑晴十日不雨矣半夜即車水聲軋軋四起思花隆之苦惻然興歎起不及俟

曙色

初三日壬寅晴偕往支硎山

初四日癸卯晴

初五日甲辰晴晡大風晦

初六日乙巳晴涼河魚又大作憊甚

初七日丙午立秋晴午後雷不雨

初八日丁未

初九日戊申晴為吳謚生作墓誌叔向貧士傾蓋之故一言相託耳無半文鵝眼也

初十日己酉晴

十一日庚戌晴暮雷雨倏歸

十二日辛亥晴午後雨

十三日壬子雨

十四日癸丑晴午後大雨

十五日甲寅晴溪水漲溢窗外岸半沒水中佗侗自杭歸仲日子白竟往爛溪

十六日乙卯雨多風甚涼陌草沾青檻波泛綠適茂遠送酒至孫元襄名之次余韻答贈

云永嘉何意忽身逢許大川原少自容宋室已稀遺老淚雲山猶見遠僧踪憑高歎不

三秋燕歆枕愁多四壁蛩他日天涯還邂逅殷勤詳睨冶家傭

十七日丙辰晴風夜中偶起似可三更時分也復流薄岸蘋蘿壓波白月掛天蘋風隱樹

四顧無聲遙村吠犬魚棹潑刺螢火亂飛極夜景之幽趣矣

十八日丁巳晴大風

十九日戊午大風小雨佺侗往蘇正在橋李道上也

二十日己未晴大風

二十一日庚申狂飈驚吼亦一風變

二十二日辛酉處暑晴大風黃平立亦答贈云杖底名山盡禹餘肩來貝葉勝除書支離
怪辨蠻成國顛倒人間火種畬雨雪望中皆苦海浮雲何處是精廬吾師別有安行法
笑視芒鞋等路車一接天汾水碧流空入望汪汪只此翁七尺奮忠非立異合門飛藻
似來同鷺山日上輕初地江樹秋臨哭變風羸得酒杯猶故物一尊川發百朝東二

二十三日壬戌大風雷雨午後晴

二十四日癸亥晴

二十五日甲子晴

二十六日乙丑晴雨相錯

二十七日丙寅晴

二十八日丁卯晴

二十九日戊辰晴

八月初一日己巳晴熱窗前水滿光潔可鑑游魚無數往來行藻間悠然濠濮想矣

初二日庚午晴熱陸嗣安介潭同子近來嗣安僧服四月於山中識之介潭兩晤於梅溪亦棄去子衿業不就

初三日辛未晴

初四日壬申晴

初五日癸酉晴涼

初六日甲戌晴有風

初七日乙亥晴熱

初八日丙子白露晴吳謚生書天中雜記後云曹安祖名應記河朔用兵事言言雋永一

時得失略備今安祖亡矣又無子安從覓乎低徊故人之思益愴然無已安祖品詣真

恬精禪理卒於嘉興天甯寺

初九日丁丑晴涼宦往嘉善

初十日戊寅晴余倣高忠憲公同善會於接待寺舉行之又於寶生菴月望會族人放生

自亂後不可問矣昨夢對人語云祇是放生好曉起家人買蝦一籃來見之恍然即傾

水中惜大半已死

十一日己卯晴熱薄暮微雨雨後涼月爽景

十二日庚辰晴

十三日辛巳晴午雨即止

十四日壬午晴馮夫人送月餅新粟午後大西北風又作變衰景候動秋士悲思

十五日癸未晴夜月皎皎

十六日甲申晴風冷

十七日乙酉晴

十八日丙戌晴

十九日丁亥陰風午後雨

二十日戊子淒飈零霖夜大雨

二十一日己丑晴

二十二日庚寅曉雨晴晡又大雨伺來云顧大鴻仲熊雲間被害時兄弟爭死辨海上諸札皆出己手與父無與也口亦相顧咋指歎機雲河橋之後又有此二集

二十三日辛卯秋分晴

二十四日壬辰晴

二十五日癸巳晴

二十六日甲午晴有冥役吳某談鬼云年來狂魔騷亂矢及雲霄殿外天兵神將相角互

有勝負鬼部亦起勤王慶戰四五載殺傷各億萬計今魔勢稍衰天威已振然屯營聚壘未降者尚多也鬼兵死亡者其魂隨風飄蕩依托草木化為蟻蝶蟲豸之類吳則寔魔下一將領一月往受役四五日云丙戌正月十六日第三陣大風是其隊伍卒所推車也此戰有功故冥授安鎮職云冥國居大羅山在海中此去十二萬里山亦廣數千里有石有草木田則象耕鳥耘鳥者大鵬也餘止有白鸚鵡鬼一日食米三粒從征則與五粒其本管主帥名許全也言甚誕可笑

二十七日乙未晴

二十八日丙申晴完始表兄來晤篤行君子也年八十一矣

二十九日丁酉晴訪陸嗣安不值返西疇茂遠送米三石信歸自武水有僮信至安期病歿山中人琴之傷驚悼不已

九月初一日戊戌晴大風佺侗信俱往支硯山弔安期余病不能行

初二日己亥晴病憊甚夜雷電無雨大風

初三日庚子陰冷

初四日辛丑晴冷大風病甚夜無酒亦不欲飲眠不得寐

初五日壬寅晴午陰

初六日癸卯晴

初七日甲辰晴

初八日乙巳愁雲鬱陰亂雨時浙瀝作響倏倏山中歸侗往東莊

初九日丙午寒露晴夜大風

初十日丁未雨

十一日戊申陰冷甚禦寒之資未知所出情思悽怳

十二日己酉晴冷午後陰倏病瘧

十三日庚戌大霧晴

十四日辛亥大風雨蕭索之況舉目難堪

十五日壬子晴謀貸於馮紀綱茂遠知之惠二十金即為卒歲之資

十六日癸丑晴

十七日甲寅晴

十八日乙卯晴午後陰風晡小雨

十九日丙辰晴

二十日丁巳陰風

二十一日戊午陰大風倏自武水歸

二十二日己未晴

二十三日庚申晴大風暮熱甚

二十四日辛酉晴

二十五日壬戌霜降晴

二十六日癸亥晴冷午後陰晦病嗽甚

二十七日甲子晴

二十八日乙丑晴與佺偕往耘廬

二十九日丙寅晴暖始見菊花至子近齋中飲秋芥甚佳沈石臣先在見其自搗豆渣和尚傳云八月中金陵洪某進龍段四十廂往北大風捲入天半有白龍在雲際毀廂龍段寸寸碎落四十廂無遺也又火藥失火焚盡天意怒口甚矣一云白龍即所織造者化去

三十日丁卯細雨返西疇一路黃雲野被紛紛刈穫斂穡滯穗稱大有矣

十月初一日戊辰晴風

初二日己巳晴大風

初三日庚午晴天氣和朗於阡陌間一步

初四日辛未晴

初五日壬申晴倭信至云端木被害金陵矣傷哉

初六日癸酉晴暖

初七日甲戌晴暖又聞錢彥林亦被害

初八日乙亥晴冷

初九日丙子陰風冷

初十日丁丑立冬晴

十一日戊寅晴大風午後大雨旋晴憶去秋九月二十日至顧太沖寓芙蓉甚盛遠山羅

紅粧艷笑此止一本斜倚山湄日間始放臨風婀娜無聊獨立如不勝愁寂寞之狀對

之惘然今日瓊章忌辰也蓬萊宮中人又及破瓜矣亡已十流光何速真可慨歎

十二日己卯陰凝氣結嗇天如咽不能語

十三日庚辰雨

十四日辛巳雨大風冷

十五日壬午陰冷晚晴

十六日癸未晴

十七日甲申晴館往耘廬

十八日乙酉晴

十九日丙戌晴大風

二十日丁亥晴

二十一日戊子晴午後陰冷

二十二日己丑晴

二十三日庚寅晴風初聞雁聲

二十四日辛卯霧晴午後大風

二十五日壬辰晴佺館往北莊僦來崇孫隨之

二十六日癸巳大霧

二十七日甲午大霧晴暖佺館歸

二十八日乙未晴僦往耘廬

二十九日丙申晴暖

十一月初一日丁酉晴

初二日戊戌晴

初三日己亥晴茂遠又惠十金

初四日庚子晴大風

初五日辛丑大風濕霧

初六日壬寅陰冷

初七日癸卯晴冷甚

初八日甲辰晴冷大風弦月也皎欲似圓冷益甚老蒼頭往新豐未歸灶無留火往隣家乞得溫村醪炒黑豆父子四人同崇孫聊衝寒色楊惲曰須富貴何時止自無樂可行耳或差勝伯通廡下耶

初九日乙巳陰伺自爛溪來

初十日丙午晴冷風硯有冰

十一日丁未大雪晴

十二日戊申晴冷甚大風夜月益皎兩年泉亭天井日拾松毬為熏燎之具爨以松木又可作炭今遂不堪此冷况

十三日己酉晴

十四日庚戌晴午後晦

十五日辛亥晴風往山中就醫夜月浸樹影如水湧荇藻檣砌皆成

十六日壬子晴

十七日癸丑晴

十八日甲寅霜晴馮夫人惠二金及秋芥一罇

十九日乙卯晴濃霜兒輩率崇孫往耘廬茂道惠崇二金

二十日丙辰濃霜晴暖伺崇歸東莊

二十一日丁巳晴大風

二十二日戊午晴暖

二十三日己未晴

二十四日庚申晴大風

二十五日辛酉晴聞乍浦獲二大龜重三百斤此四靈之瑞也何以見此

二十六日壬戌晴午後微風陰晦聞隣家雞啼不已

二十七日癸亥冬至晴

二十八日甲子晴

二十九日乙丑晴風

三十日丙寅晴冷

十二月初一日丁卯晴大風

初二日戊辰晴冷午後大風

初三日己巳晴

初四日庚午晴

初五日辛未晴午後陰冷

初六日壬申陰汾湖有漁人網起多活海舌聲嘈嘈然當是隨潮汐綠黃浦瀨入耳舌
作螿字訛

初七日癸酉大霧滴雨晴午後大風

初八日甲戌晴濃霧

初九日乙亥晴佳就醫鄧尉二十餘日矣杳無消息來故館僱往視之先至溪拉伺偕去
晚間枯林戢響斜理涵河東窗對影一樽黯絕顏子之樂自在葦瓢子不堪憂者家國
珍瘁豈能忘心李陵所云胡笳互動邊聲四起獨坐聽之不覺淚下

初十日丙子五更冷甚晴

十一日丁丑陰冷晚晴

十二日戊寅小寒午後細雨

十三日己卯陰雨午大風

十四日庚辰陰微雨

十五日辛巳陰大風

十六日壬午晴大風冷夜風浪恬靜明月東升照薄紙窗上如輕綃可鑑遠遠聞吹笛聲
雖地非山陽而感同向秀舊游之思亦不止中散一人矣

十七日癸未晴午後陰冷

十八日甲申晴日色明麗可喜烏次之後又復暗暝

十九日乙酉小雨

二十日丙戌陰信倭夜歸餘瘧未能即止仍留山中顧子長寄惠一金蘇州機戶為口織龍段每梭一扣即火光迸出雖不焚燒而燄甚熾口駭而拜祭之此炎并噓燃之兆也

二十一日丁亥晴風冷

二十二日戊子陰

二十三日己丑濃霜如雪河涘有輕別晴暖明麗

二十四日庚寅陰風夜小雨

二十五日辛卯細雨大風

二十六日壬辰晴濃霜

二十七日癸巳大寒晴濃霜有冰

二十八日甲午晴大風

二十九日乙未晴冷茂遠又餽二十金米六石為獻春之需

三十日丙申晴冷

甲行日注卷之六終

甲行日注卷七

松雲巢衲
木拂
慕

戊子正月初一日丁酉晴暮風

初二日戊戌陰風午晴

初三日己亥晴

初四日庚子陰

初五日辛丑濃霜晴暖嗽及脾疾憊甚

初六日壬寅霜晴風

初七日癸卯陰冷兒輩往耘廬

初八日甲辰晴午後陰兒輩自耘廬歸

初九日乙巳夜雨曉陰伺與崇孫去

初十日丙午雨

十一日丁未雨

十二日戊申立春細雨西北風冷馮子近來

十三日己酉陰

十四日庚戌大霧陰暮大風

十五日辛亥雨大西北風冷

十六日壬子晴大風

十七日癸丑晴大風

十八日甲寅濃霜晴冷

十九日乙卯晴冷

二十日丙辰晴冷午後大風

二十一日丁巳陰茂遠携過談夜雨

二十二日戊午風雨病甚

二十三日己未晴暖

二十四日庚申霧風雨

二十五日辛酉大雨

二十六日壬戌晴

二十七日癸亥雨水陰大風冷

二十八日甲子晴遣訊佺病在鄧

二十九日乙丑晴冷

二月初一日丙寅陰午後晴

初二日丁卯晴午後陰風

初三日戊辰曉小雨旋晴

初四日己巳霧晴暖

初五日庚午晴暖與信僮一步田間梅花正白柳絲已垂綠矣

初六日辛未晴大風

初七日壬申早雨陰

初八日癸酉晴

初九日甲戌晴子闇姪來送食品留宿去夜侏有信至致水仙花獐脯知予病寄人參五

錢侏瘡則猶未能即止

初十日乙亥晴

十一日丙子晴暖甚與信僮往耘廬茂遠招也梅花三千本一望如雪何減聚塢山中園亭晝飲至暮子近同在乎湖郊外盛作神戲戲錢十二兩一本國難未紓居然忘變人心亡盡豈止賈太傅之哭也哉

十二日丁丑晴暖甚返西疇茂遠惠酒二甃

十三日戊寅陰大風黃昏大雨

十四日己卯驚蟄晴午後大風

十五日庚辰晴冷大風夜月甚佳

十六日辛巳晴冷甚

十七日壬午陰風午晴

十八日癸未霧瀰四野午昧即晴

十九日甲申陰午後一霎雨桃花大開

二十日乙酉雷雨即晴

二十一日丙戌曉雨陰涼

二十二日丁亥晴涼暮雨

二十三日戊子陰午大風晡大雨

二十四日己丑雨冷黯索之况悽然莫寫

二十五日庚寅晴

二十六日辛卯陰冷大風夜雨至旦

二十七日壬辰風雨

二十八日癸巳晴大風窘甚又借茂遠二十金

二十九日甲午春分晴風蘭支遣訊致青鞋烘糕蓮肉笋

三十日乙未晴熱黃昏大雷雨遣訊伺

三月初一日丙申陰大風

初二日丁酉大雷雨

初三日戊戌晴暖倭往耘廬即歸

初四日己亥陰冷

初五日庚子陰風暮大雷雨

初六日辛丑陰大風

初七日壬寅晴

初八日癸卯風雨

初九日甲辰陰晚晴拜外祖馮太僕公暨舅氏墓一路桃花妍麗情致映人夜月佳

初十日乙巳晴馮茂遠來

十一日丙午烟霧迷漫午晴倭往吳山汎掃井至汾湖拜奠母觀余病不去茂遠惠酒
二罈米二石食物四種

十二日丁未晴寒

十三日戊申狂飈迅澍紙櫺為碎床卷盡濕

十四日己酉清明陰冷

十五日庚戌雨冷

十六日辛亥陰冷大風

十七日壬子大霧晴

十八日癸丑霧晴暖菜陌四繞黃香襲人獨步凝眺廓景寥映悵然生懷恨無江州送酒人愧此花魂耳官倭歸痊瘡初止未能勝跋涉猶在山中

十九日甲寅晴

二十日乙卯晴大風

二十一日丙辰晴

二十二日丁巳晴與倭行陌上紅蒼花徧野組錦矣

二十三日戊午晴吳江邑舍自乙酉已咸陽一炬口令李承尹潛據周麟伯家中項念翁先生廖伯尊公名道登東閣大學士尚書空中擊承尹自樓墜下幾死足以見天之厭惡矣擊之著先生之靈以自泄憤耳元欲留正典刑快心西市故未死也

二十四日己未晴午陰

二十五日庚申晴

二十六日辛酉晴大熱暮大風黃昏雨

二十七日壬戌陰寒暮雨

二十八日癸亥晴冷午陰

二十九日甲子穀雨晴冷大風

三十日乙丑晴暖

閏三月初一日丙寅雨竟日

初二日丁卯大雷雨午止暮遠烟如霧

初三日戊辰曉雷雨即晴聞吳安鎮事益奇城中沈家巨室也去秋新婚頃其婦自持一相服晒花間遂為祟憑發狂披髮覓一巫驅之巫為婦所逐幾死又一道士以符水遣亦逐如前適吳安鎮至婦初亦大詬厲吳以石灰畫地婦即不能出詞氣稍悞安鎮云擒之婦即自反接跪地安鎮問是何鬼曰園中司花之神姓王名蓋五聖部下也今已知警求容放歸耳安鎮叱之去婦即醒

初四日己巳晴

初五日庚午晴風

初六日辛未陰夜雨倥侗來父子久不相見夜談甚樂吳茂中於昨歲杪患疾厥至今未起頃寄次余之韻猶未病時作也云雁來思已過千重縱遇幽槃豈定踪厭聽怒龍聲作豹怪看奇樹勢成龍道推海內朋為戚歌動林中子和翁舊日山塢還記否為君曾過倩雲封一夜夜占星又一秋最傷吹角起宵樓別後書音都失據近來酒味亦添愁看梅客半重泉杏採菊君同兩地悠聞得南陽新下詔士賢不棄暑披裘二崑山顧宗

伯九疇

名錫

乙酉奉使東甌死於口其尊人荀洲公年八十矣在家口至吳門即不食

臨終書數語而絕宗伯長子獨降為官一日見祖父來大怒責其派節義忘忠孝立擊之死人皆聞鐵絳聲礮然也忠魂英爽耿耿不湮如此佺於山中聞之

初七日壬申雨

初八日癸酉晴黃鸝鳴

初九日甲戌陰

初十日乙亥風雨慈洲來

十一日丙子晴茂遠來招與兒輩同往孫元襄查來王在集天藻軒追語平立交相歔愴
十二日丁丑晴大風坐攝影廊看新綠聽初鶯劇談相快茂遠塔閨鶴來眉目娟秀年十七矣向與禪立通譜故亦執姪禮

十三日戊寅晴大風返西疇則子闇子立文瑜網尚先在談族中事可憤可笑

十四日己卯雨大風

十五日庚辰立夏陰諸姪別去

十六日辛巳晴

十七日壬午晴袁四履來

十八日癸未大雨侗歸東莊

十九日甲申晴

二十日乙酉晴

二十一日丙戌晴

二十二日丁亥晴

二十三日戊子晴

二十四日己丑晴大風夜雨

二十五日庚寅雨大風幾欲拔木

二十六日辛卯雨

二十七日壬辰雨

二十八日癸巳晴大風

二十九日甲午晴子闇文瑾同友楊子令來楊精形家術文瑾送酒食品二楊亦惠以生

魚云華鳳超名允誠無錫人壬戌進士以族中起義口執之不屈被害傷哉

四月初一日乙未小滿晴楊子令習詩余因謂曰都人士之什次章云綢直如髮我不見

兮我心不說四章云卷髮如蠶我不見兮言從之邁末章云匪伊卷之髮則有襠我不見兮云何吁矣此可想見平王東遷豐鎬故宮已為犬戎所有披髮椎髻即如今日故

詩人歎之不待晉宋以後矣是亦考古之一證也

初二日丙申晴風

初三日丁酉陰風午後雨

初四日戊戌小雨晚晴

初五日己亥晴田間歌聲楚楚甚足悽人

初六日庚子晴

初七日辛丑陰招沈心明來醫

初八日壬寅晴

初九日癸卯晴佳入山館亦同往

初十日甲辰大雨佳館在石佛寺子閣來

十一日乙巳晴

十二日丙午晴二兄幼輿同沖淵子由二姪孫來

十三日丁未晴

十四日戊申陰風則東南諺云過海風也

十五日己酉踈雨午陰大風

十六日庚戌芒種晴

十七日辛亥晴

十八日壬子晴佳館歸山中光景又復如去年湖盜橫行居民遷徙不遑矣丁亥春余有
二詩寄沈留侯君山頃始得君山和什云故國成灰燼惟餘影伴身貧家人共棄投什
念何親尺璧來從魏明珠至自秦筆端含造化粟烈轉陽春一播越無常所魚書莫往
還三仁辭故主四皓隱商山撫事腸應熱端居體自閑錦囊積佳句頻寄幸無慳二

十九日癸丑雨午後大晴

二十日甲寅晴

二十一日乙卯晴熱午後大風伺夜至

二十二日丙辰陰晡晴

二十三日丁巳晴伺往耘廬即歸暮大雨雷

二十四日戊午霧晴熱

二十五日己未晴伺歸東莊

二十六日庚申大雨竟日

二十七日辛酉烟霧迷濛微雨至暮

二十八日壬戌陰

二十九日癸亥陰午後晴

三十日甲子晴

甲行日注卷之七終

甲行日注卷八

松雲巢衲

木拂

纂

五月初一日乙丑夏至風雨狂橫自子夜始也午止晚霽

初二日丙寅晴

初三日丁卯晴熱

初四日戊辰晴熱甚晡後雷電大風小雨

初五日己巳晴

初六日庚午晴

初七日辛未晴大風甚涼

初八日壬申晴

初九日癸酉晴

初十日甲戌晴子闇同子劬姪孫來

十一日乙亥晴大風甚涼

十二日丙子晴熱

十三日丁丑晴夜侗來

十四日戊寅晴大風夜月色空明

十五日己卯晴大風黃昏大雨風竟夜怒號

十六日庚辰小暑雨午日出

十七日辛巳晴大風

十八日壬午晴熱夜雷大雨

十九日癸未晴熱晡大雷雨

二十日甲申晴熱甚

二十一日乙酉晴涼

二十二日丙戌晴涼

二十三日丁亥晴

二十四日戊子陰雷無雨甚涼外間盜賊縱橫人心風鶴東隣有沈家素封而強幹者也

是夕吹銅舉砲集鄉兵禦賊廬兒傳呼之聲聞於枕上

二十五日己丑雨午後晴

二十六日庚寅早即雷電大雨

二十七日辛卯晴北隣姜倪二姓亦各備舟四出巡徼以防夜警鉦聲遠徹

二十八日壬辰晴夜夢作詩甚多曉起止憶三聯云曾拈賜劍參棕拂暫脫征袍挂薜衣

一雁度關長作客雙魚寄遠暫懷人江山有恨秋風外草木無情夜雨中餘惜乎忘之

沈家既糾衆申令矣今日大為揚兵從南長浜至東長浜北至烏橋有二百餘人魚貫行田岸上每隊一吹角鳴鑼者居前餘持銃者執鎗者負長篙者刺魚之鑿者能為地方保障如此足以知其人之裕於財而善於用矣沈號鹿草故諸生也

二十九日癸巳忽晴忽雨宛乎秋景午後大風甚涼

六月初一日甲午晴大風

初二日乙未晴

初三日丙申大暑晴大風甚涼

初四日丁酉晴

初五日戊戌晴熱

初六日己亥晴

初七日庚子陰大風午大雨

初八日辛丑晴雨相半風烈甚

初九日壬寅晴風如昨

初十日癸卯怒號二日今又細雨迷離滴瀝種種悶人一夜無歇

十一日甲辰午晴

十二日乙巳晴風病憊甚

十三日丙午疎雨

十四日丁未雨

十五日戊申大雨午晴晡雷至暮不雨

十六日己酉大雷雨午晴病十日矣昨遣人往營閣取藥一服而愈

十七日庚戌熟夜月皎如晝家人至汾湖盜賊橫行殺一老僕真可恨也

十八日辛亥立秋晴佳移居營閣侗歸東莊

十九日壬子晴陸莊簡公圃中開黃菊三枝又平湖一民家亦開一朵並有荷葉未殘黃菊綻之識人相慶也茂遠惠秋季二十金米六石

二十日癸丑晴風

二十一日甲寅晴熱

二十二日乙卯晴熱平湖瓜甚佳如崇明又勝之今問之絕種矣僅薦福之下者耳即一青門之微變遷如此

二十三日丙辰晴涼

二十四日丁巳晴

二十五日戊午晴熱晡雨即涼

二十六日己未晴風甚涼

二十七日庚申晴涼

二十八日辛酉晴熱

二十九日壬戌晴熱

三十日癸亥晴大熱信僮以家舟之便往仍莊

七月初一日甲子晴

初二日乙丑晴佳來述吳安鎮言後甚驗

初三日丙寅處暑晴大風甚涼佳返營閣

初四日丁卯晴沈心明至

初五日戊辰晴午後大雷雨僮同沈心明往仍莊

初六日己巳晴熱

初七日庚午晴沈心明別去

初八日辛未陰涼暮雷雨

初九日壬申雨午後晴

初十日癸酉晴子闇來

十一日甲戌晴僮往吳江

十二日乙亥晴熱時有小雨

十三日丙子晴

十四日丁丑晴熱佳來

十五日戊寅晴

十六日己卯晴涼午後大雨

十七日庚辰晴午後風雨淒然

十八日辛巳白露雨大風午晴倭歸

十九日壬午晴

二十日癸未晴曉寒

二十一日甲申晴佳病返滄閣夜半起晶月天空

二十二日乙酉小霧晴午後陰

二十三日丙戌陰寒

二十四日丁亥晴涼

二十五日戊子晴信往仍莊

二十六日己丑晴茂遠寄黃偕令離隱歌

二十七日庚寅晴夜雨

二十八日辛卯晴午後陰

二十九日壬辰晴涼庭中桂花開

八月初一日癸巳晴

初二日甲午晴

初三日乙未晴子闇來夜夢作詩甚多皆禪寂語記一未睽云悠然午磬談經罷無數簷

花落定中

初四日丙申立秋晴

初五日丁酉陰

初六日戊戌陰冷午後雨

初七日己亥陰大風

初八日庚子晴寒

初九日辛丑晴

初十日壬寅晴

十一日癸卯晴

十二日甲辰陰館僦往仍莊

十三日乙巳陰

十四日丙午曉起甚冷晴光湛然偶讀東坡易解曰人久宴溺而疾生之天下久安無為

而弊生之謂之蠱易曰蠱者事也夫蠱非事也以天下為無事而不事事則後將不勝事矣此蠱之所以為事也衍思邵子皇極數佺今年正交蠱六五幹父之蠱用譽象曰幹父用譽承以德也夫五為君位丙子之上甲子余甲子公車也以丙子之爻而幹父甲子之事而承之何不譽之有且祖發於丙子先戊一紀以戊子之歲而又當丙子之爻祖孫相承亦可謂承以德矣今既遜而游方之外不作時文不應科第不跋涉水陸置其身於一無事事之域幹與承俱無之而安得不病哉病乃所以為蠱也今日佺來因與言之

十五日丁未晴二兄幼輿同元茂元豐二姪孫來

十六日戊申晴仲日公玉子立文音子闇網尚來仲日云蘇州杜鵑鳴在姚文初家竹上聲甚哀入夜哀更甚適一僧來是西川人故知為鵑也

十七日己酉陰午晴往子闇家坐客皆去共十二人

十八日庚戌晴訪楊子令不值

十九日辛亥晴仲日與佺往山中僦往吳江侗在奉慈庵其家以黃雀來又大蟹十隻余與佺放之水中

二十日壬子寒露雨午晴夜甚寒枕衾蕭索覺來破紙窻上明月穿櫺如日不無杜鵑枝上月三更之歎旋又睡去夢瓊章呈一紙云愁緒懶拈殘畫葉病懷新著怨秋辭斷腸

花落夢相思乃浣溪紗後半闕也仙人亦有愁病耶抑為我慨也

二十一日癸丑陰寒法相聞修來送山茗烘豆

二十二日甲寅曉霧晴

二十三日乙卯晴

二十四日丙辰晴大風雲奕廣平二姪孫來

二十五日丁巳晴

二十六日戊午晴芙蓉花開信往子閣家僮歸

二十七日己未晴寒

二十八日庚申晴風冷與信往耘廬僮有小疾不去

二十九日辛酉晴冷茂遠邀法華山尊宿航公光明臺雪航同雲壑上人至精元門之學予與

談金剛經夜同年郭丹葵來同飲

九月初一日壬戌晴曉甚冷別航公丹葵午歸

初二日癸亥晴午後陰冷

初三日甲子晴風

初四日乙丑雨

初五日丙寅夜雨

初六日丁卯微雨

初七日戊辰晴子闇携酒榼來晚間炳然南音兩上人來皆留宿

初八日己巳晴子闇及兩上人皆去

初九日庚午晴

初十日辛未晴

十一日壬申晴夜茂遠送冬季之儀又惠十金子闇同金員嶠來

十二日癸酉晴

十三日甲戌晴

十四日乙亥雨

十五日丙子晴

十六日丁丑晴

十七日戊寅晴

十八日己卯遣孳元往嘉興朱明往嘉善子闇來留宿

十九日庚辰晴子闇去朱明自嘉善歸

二十日辛巳晴家中人去茂遠使來問大兄往耘廬

二十一日壬午立冬晴李純吾來金員嶠同廣平來始服鹿角膠

二十二日癸未晴文瑜元茂元豐遠來問疾留宿

二十三日甲申晴文瑜元茂元豐去

二十四日乙酉晴廣平同金員嶠來茂遠送紫河車膏

二十五日丙戌晴

甲行日注卷之八終

恩卹諸公志略卷一

毘陵孫慎行撰

余嘗以為史自太史公直接左國真傳後乃有歐陽子五代史力能繼之若班史別為一家而後諸史宗焉遂若分兩途然歐陽子文章直接昌黎起衰大約臺宗太史公為正傳而兩公自諸文章外獨碑銘誌表為盛他大家所不能方駕唯王荆公梁點而波瀾不甚富歐陽子所撰碑銘數十年間大人名卿半出其手更遭黨累中者多昌黎碑誌一時非正人不得借為重韓歐兩公皆於時事迂聘中不肯阿從以是負黨累屢出屢進所好尚極端所議論不輕許可品裁為千古挺傑其文比他體獨甚有由也昌黎不肯作史宋文景載誌銘於唐書中一字一句必為準的蓋言之足徵信如此余思兩公身在齟齬中憂患迫切思深慮遠真為臨文銜角助勁光耀助潤即太史公坐腐刑酷乃發憤極肆於文竟私藏名山大川非班史奉詔撰述為時忌諱并貴豪情面附託者比所謂賢達非窮愁不能著書自見後世蓋古今一體非虛言耳嗚呼治世難逢厄運易邁近遭魏逆亂公忠之人鮮脫者余不肖得無填溝壑觀 聖天子嘉惠諸賢恩澤自分餘生所宜效者一則進而盡忠效悃了向來未死寸念一則在史史局宜明大義紀數年來奸邪弒逆狀一則以誌表記諸忠直寃死狀而今皆以老病痼不得已即家居亦宜於諸公終始如碑誌表傳一撰述垂之將來是亦餘生未了一事顧念韓歐兩公初遭黨累後旋起入禁中啟歷

東西遠邇其於四方間見事跡當年隱微心曲包羅宏博商確明核故得臨文有所據依
今予雖蹇於足力蹇於口語而幸未蹇於心思每慨然時有所發憤坐一室中寘陋鮮聞
欲為無米之炊噫可念也近述諸人各私見若所臨難自書者更之一字則不忍載之連
篇則成贅終無可操管處夫同病之憐豈他旁觀者比既不得以病居寘陋諱又不得以
意見才力不韓歐而廢也因為略志列其端俟後之搜以實之

恩卹諸公

楊大洪 左浮邱

周蓼洲

繆西溪 李仲達

趙儕鶴

周衡臺 顧慶客

周季侯

何武毅 王心

高景逸

薛純臺 葉園適

魏廓園

袁熙宇

萬劉 吳張

周綿貞

凡二十一人

楊副憲

楊公連號大洪湖廣應山人左公光斗號浮邱直隸桐城人世號楊左鼎草時共有功楊公常熟尹一文不取每往來長安跨一蹇驢亦一文不遺人荆溪湯公為河南道一時臺諫之選稱廉卓者多人 神宗崩時扶正排難者犖犖而大洪為首其力量肩鉅亦冠諸公方崩前半月貴妃竊踞在旁中外以為宜請移他宮大洪疏上獨激烈兩三日內傳洵洵多宣列校刀杖候朝門外人懼不測時冢宰為敬嵩周公即公同鄉雅相善嘗偕至闈門見德清意將為勸解地德清怒目睜睜曰 上怒甚公厲聲曰怒汝怒我德清又說將杖人殺人公又厲聲曰殺汝殺我我是言官抱著一片剛心烈胆殺也是不怕的汝不可不早自計遂各無言而罷俄頃內傳旨著貴妃即日搬就一號殿中外懽鼓 上之精明真勇敢所動無不心伏之矣自是每有事 神宗輒問內侍楊給事無如何旬日宣入者無時賞金至四百八十兩繼至六十四段言輒無不聽維時內侍強直為上信任者王安也安為 光宗伴讀小心壯志數十年有賢名時半月倉皇中與公最一意任事至 光宗大漸夜三鼓輒令人約公先入公入門者不納公以手舉之門者大呼王叱之退呼公急來公既入文華殿所毆事秘不聞尋導入見內侍四十人擁 新皇在殿後左廂俄擁殿後門屏間新皇惛惛王與公共擁抱至文華殿右廊廡羣臣班拜德清初立定不肯扶劉南昌慨上扶左坐定因下拜眾乃拜諸監掌印者各叩頭請老謝事南昌因傳旨

娘娘著照舊管事又叩又傳如初始各唯唯去德清行至文華嘆曰今日是何景何異奪門宇內競傳時維楊公翌戴功第一不然勢且有他將大漸時先傳內侍擁正并傳兩科官兩道官入與受遺事而公為首皆安力也余方家居聞之曰此功此胆氣直是于肅愍再生旋語友并內人曰此公難道得長做官不過故一人耳將來禍患叵測在俄而聞有爭選侍移宮事矣德清持不肯請移公力逼乃移而私嗾一家居御史賈繼春上揭詆熹皇為違忤先帝逼逐庶毋譁諸世濟維華國楨杰不吊之徒矣幾無人臣禮旨震怒著回話者再終為護者所持不獲嚴處繼春乃佯阿公時低時昂旋鼓煽京邸者曰二公自此不得安而言者謂結納內外將為曩日振瑾禍即力護者以為陸賈安劉內外宜豫附勢不能定也此時清明天下一言翻為擾亂天下實繼春為之公一二疏告後輒奮身跳歸迨癸亥公數轉至副院憤魏逆危亂天下遂有二十四罪疏力搏之矣方爭移宮時左公與公為同心危言抗眾迨疏後人有以為左右甚協者然終以相好故及時內傳殺熊急左公力調揀熊至有書於內兼之行金四遠群湊為逆所持公實無一言而以素相好亦併入熊案爾時外為助正內超權者多逆則陽緩攻陰搆之禍逗遛公兩月餘乃得歸里而議者逆中公不韙以為有幸留心左亦不無阿逆計也蓋疏自六月上面南都十月初歸者猶傳流言設魏將乞好欲取前疏中不得相者二人計相一人以定眾予時方病正暮聞之終夜不甯明早謂言者是明墜阱中而蘊禍於天下也明歲此時正人當無噍

類矣三年之後當有大事不可測未幾而以汪文言起名謂交結王安牽熊案并織十五人而逮者六人公乃為首矣後三案中垂領首公亦繼春為之余家聞公事不得詳而於荆溪教諭公長兄所聞其家書中謂凡及子輩吾受 皇上知遇大恩此生不以頭顱殉者非夫也蓋殺身之禍公自矢當之矣乃議者猶謂疏後猶有依違不決殉者豈其然公幹略敏裕宰常熟築塘百里費出之官民不知力執兩大豪如法斷決冤獄片言稱神明初上公車嘗途遇一異僧勸之出世無遭他日禍公不信自以為溝壑喪元其分也入獄後榜掠最慘口口賣國賊無撓臨逝有一手書自稱為養宏碧血又一疏插胸前比於尸諫竟為顯純輩掠去至今人不及知一字讀矢岳廟文極言票擬當歸閣臣用舍當憑公議刑罰當付法司中官必不可干預外政不識即此言否或別有言否左公入獄無言竟同日死左公為御史巡方別獎歸不受薦儀神廟未一疏汰武弁五百人人又言天下畏公甚於楊公湯公前死久矣會治楊左後削奪名北京號質齋素廉卓有聲

繆侍讀

西溪繆公名昌期江陰人東南有名士儀狀挺傑在東林見所行事不嫌則直口規之令服折以是名為諍友余嘗一望見之知為錚錚者癸丑館選為吉士舊例首舉貌稱弟子然公侍余即語意切直為真弟子者方甲寅秋余跳居城外公私謁再為余核諸刻疏若欣欣嚮最後三案事公皆褰裳濡足會楊公跡事發遂及公在湖廣主試約楊公談者三

日夜歸與余談當年為請鄭妃移宮抗德清狀極詳又嘗三言汪千余謂鼓說禁中鼎革時其有力幾如漢之陸賈王生不可不一面且謂門房曰業在是余君乎不謁游客第謝不面也逮後乃為人嘆惋豈不千古偉人乃屢逐屢進至聲撼公卿家籍之日堂扁八十有八嗚呼豈有品事也汪既游客公亦局外人並遭酷禍蓋有動之者而然公禍又以人說曾改楊疏稿終不知其三案中殫心王室之勤勤懇懇也累為德清切骨其慷慨大義不避師弟子是亦一世間未白心事雖 恩卹無言及者不第一瘦死無名之游客徒抱季祖噬臍之恨而已三案事余業詳輓中公從澄江來郡田野人繞途者十數萬都合掌念佛曰今日乃見真菩薩出世公欸欸笑慰謝如平常長途復輿中手紙筆孜孜不休初別家子女孫環泣其夫人止之曰毋撓乃公令清心有所著述一白事傷哉

李御史

繆公之逮與邑仲達李公應昇蓋中表至親也在臺時每事為商確方大洪疏上公首疏曰非漣一人私言通國人公言也已萬工部疏上杖慘畢力疏救又叅廣微失儀初擬杖百後免又當為高公草彈呈秀文故逮時同逮者錫山高公而澄江則公與繆公澄江人語曰江陰有兩忠臣爾邑獨無子時削奪居矣戍報至笑曰予至今乃免不忠時姑蘇之逮者二公皆周姓也又義民死者五人蘇為宇內一振云方公逮時吾邑人繞之數千欲奪公競逐緹騎毆驛有一總角子撻鼓號見緹騎藏架上搜出之撻幾死時曾府力解公

青衣皂帽騎長馬衝上往來慰諭予抱罪書室中禁閉戶無令子弟僕隸出闕者時天日陰慘三月中若嚴冬公年少丰神雅秀余嘗一再謁之訝為世外仙客乃知植節垂名氣格自不與凡俗埒所著道途詩數十首兩月後即聞至今予不能竟讀也予嘗請家誌於余繆公亦為請之予終以例辭不應嗚呼今何忍為公志如是

周吏部

蓼洲清骨挺立是目中僅見人在銓部每日自給不過錢六文尋病告歸僦屋居不六七間每府縣司道過或竟日不過茗一杯而魏逆禍蔓甚嘗撫案憤曰吾尚偷息此時者非人間點將錄羅織多人大以己名不與黨為恥會周都院以事觸織監李實因相與疏糾再三終不能庇一同知楊姜都院奪職去蓼洲益不堪作文張其行盛稱節概功績大有造地方明激繼者一驚驚乃黨中呼魏七哥者也搜知蓼洲與魏廓園泣別連姻并官旗前大罵魏賊狀羅入東林六人逮中蓼洲慘死當此時天下賢人禍烈極矣然皆曾疏及內事或有關德清者便不得免惟蓼洲一無有若肯浮沉一無言無所為未必不免予嘗與人議之曰使姻在日前則萬不可諱死且甘之若姻在逮日何不私許之約以不負何苦使往返日月行途自以七尺軀抗九重隆怒耶然蓼洲料逆熯無已終旦夕悒鬱死矣等死耳其與無言無所為者竟何如蓼洲亦人傑也哉方蘇門噪聞四月五日夜先有人逮余及一翰林行至良鄉逆令人追回日未午也自後年半間南都逮者一人餘俱以撫

按解則公與蘇民力也倘在長安者共是心逆未必不少戢等死耳其與一無言無所為者竟何如蓼洲真大有見也哉公名順昌姑蘇人意度宏遠為閩推官力折豪右文章閱世世所推服有稿數千人傳誦之大凡有真心者必有壯氣有壯氣者必有遠識近死忠諸公文章為世推服者居多先是乙丑吾與景逸俱奪矣高有姪欲與姪孫女姻吾謂姪曰先而姻也何可諱東林若其未也何必急而景逸復以書先曰此時吾輩做事也顧不得出頭吾終謝之心謂出頭以殉義以國家則可若婚姻事何為又先是廿年前高有姪請姻景逸欲吾女他人女以婚吾終謝之後聞周公逮旨專以婚故姪乃幸福不先而吾却自笑吾之懦非過也

周侍御

凡人能不畏福急公者必其生平潔白不染貨利者也若身既有染則前蓄已多不忍去後攫取無涯何能忽捨如楊周二公並皎皎人間無滋垢者也季侯周公其廉介亦云公諱宗建初為武康令已仁和繁富地又兼攝德清疑寃立剖考滿歸不携一物也第以衣服華好日用從映人不甚覺為廉為御史發逆賢交通客氏及郭鞏狀蓋實先楊公一年凡五疏痛詆冀遏亂源逆欲廷杖公賴福清中尼又疏奄劉朝行邊狀又為捐俸貲若公費五百金為講院鄒公首率之諸嚮學馮公高公皆時所切忌也差湖廣未幾憂歸逆終以前憾逮予閱疏楊公及公兩列予名罪逆以首扼正人予知逆終不能忘情於余也鄒

公所薦起用數人不知何故首鞏及繼春予痛無繼春惡熖翻覆得中止而鞏遂用終逐
鄒及死後削者鞏也到今日鞏降後數月復持書來招降朝廷下吏議罪云

恩卹諸公志略卷二

毘陵孫慎行撰

趙冢宰

儕鶴趙公北直高邑人也清嚴為吏考功汰流品大忤時相竟逐家居三十年詩文自娛最為東南名士所歸重時宇內惟南皋鄒公及公兩人為世山岳而鄒公愛人諳切間有推剛為柔處公則持一意剛不可犯惟名士相善者千里隔音好問訊不絕有身往就為談道藝者迨鄒公歸乃入繼掌院尋秉銓一意不可犯如初福清在閣雅用公熹宗在經筵常稱天下官惟趙吏部忠清公直後疏申此如前者再福清囑有所用遂拒不用矣魏逆求交懼以三千贄丐書一扇終麾去不書廣微其年冢子也再謁不得見適有知音者共坐齋中語廣微憤曰以吾為人則不可接以吾官則尚可接欲討還帖去公竟還之帖閣部自此不諧而廣微竭力助魏并為德清逞憾紅丸事排善類無遺種魏逆所毒者祇相觸之人而廣微所欲毒者滿宇內并家居久不相及之人終用維瑾事起釁後以子甥累坐賍九千七百謫戍山西平陽公年七十八慨荷戈伍中暇則教蒙童若子仍作舉業義會 上興人傳恩詔草宜赦乞還家巡撫牟志夔扼之曰詔未到在旬日詔到又曰大臣尚未有名在竟以十月終卒平陽遠近聞者痛之先甲子春內外見公毆邪植良便有趙高禍秦謠謂公與景逸用事也前三十年並逐至是一銓一憲人豈能堪魏逆金使

來公業不受高公在旁曰是名帖亦不可與已而其家私用帖蓋意氣風標相激之過左部疏甚多言言切直至曰今之士人以官爵為性命以鑽刺為風俗以賄賂為交際以囑託為當然以徇情為盛德以請教為謙厚是六言真中時世膏肓者也予初聞公賍累以子孫嘆曰以公清嚴若是甚矣要人之難為也雖云子及甥之獲足明公之一無獲然禍則何堪矣世之為要人而享有祿於躬有譽於世常不敗必若前之六言者乃可哉嗟嗟

周給諫

周公朝瑞號衡臺臨清人為給事中與楊公最善光宗時疏請蠲金花被譴 熹皇初疏請經筵語侵內侍魏客輩恨甚以王事逮公慘死疏暴公罪以一日三疏抹熊人不知得罪德清者以會奏攻三典事大直太實也說奇灼交德清以星相醫卜出入其門者數年時為德清仇而託魏逆名首禍獨先者公繼則西溪繆公塵客顧公也聞會議單塵客嘗為人草二三其語嚴義峻予嘗訝之為老吏手深文筆仿之知塵客草以是三人皆不免予每念為懷病不忘周公予未免顧公則嘗一再見之丁邗春歸病頸疽當午餘假寐恍惚若有人傳周公為祠山廟相者為成後婦曾窺前言侍郎時枉苦心言事懇懇無為也神聞嗔之合多人拘往見余在竟麾去獨一人入及房檻而余覺矣覺而起則婦正在床呼痛欲治我者再余若妹妾共聞神即周公所謂生而為英死而為靈者信然公面麻體厚重恍惚中若見之余因問語友婦人夫言幸是事已竣後或望 上帝怒原數日復恍

惚有傳者曰 帝欲醒將來且誠世人耳當時言事時婦祇有勸言未嘗一尼 帝所謂終怒原不減之筭者以是歟至若楊左周及諸公靈響遠近傳之劇記尤多即頌天臚筆亦往往載余不及也塵客在常教授數年家素富行己清莊余目中見心渴憂國家事詩惻者惟公與西溪兩人

高總憲

東林書院建自涇陽顧公公所少師事也涇陽性格明達意度冲夷公則性格峭整意度恭謹其待人也一怒一嚴其持躬也一和一矜各如其為文章也亦如之涇陽才氣高每信手拈來便琅琅成文長河奔波不可禦而公則一字一句必軌尺寸析理文尤恂恂簡確無踰軼年弱冠登第終一年餘以救師儕鶴趙公語侵執政罷歸遂偕涇陽栖東林館潛心講業學問獨宗程朱遠近同志會者廿年餘涇陽以壬子逝公力持同志切劘如初 熹宗二年始赴光祿名首糾崔文昇用泄藥致 貞皇速崩辭連貴戚及德清厲甚崔終遂南戚亦徙外郡書辦王志道疏侃侃三案中數十年來內外危疑狀迨趙公為冢宰而公掌院矣一入院即劾崔呈秀賍濫問成是時衆正尚多諸奸覘師弟踪跡遂劾公一歲四遷而呈秀尋借事遂公與趙公歸明年削奪又明年借奄李實疏侵織造利逮者七人坐公賍三千公義不辱則赴水死天下憐其忠健其決朝議猶苛之初為行人即劾張世則欲改程朱傳註得旨溫獎以為有關世教頃在邸一年崇正黜邪醒人心明國事

者勤勤懇懇不下朱夫子告君正心誠意至意卒也公及諸公慘禍動以東林牽者何止熙寧停下而已公居家凡地方利病吏治得失豪右行事慨然為建言不諱以是爽人意者亦以是取忌於時每冠蓋過里謁書院請益者再三宿公為作文獎借四方歸心者多而側目者更切每一持議公正色并并而涇陽時數頽和之諸有建白啟事涇陽授意公為之屬學以是人皆歸德怨於公然公奪後涇陽亦生削奪頂涇陽贈吏部侍郎而天下論正學諸謚者不下追若去年逆案朝臣大辟戍徒及為民者幾二百人自應秋外未有不與東林講席者君子以是知道學之闕世教也書疏進退終始詳墓誌中公名攀龍號景逸錫山人與顧公同邑顧公名憲成尋謚端文

魏給諫

世所謂東林者皆倖得名蓋有素談學問而未嘗與交而人指之忌者之言也亦有與交而實未嘗談學問而人指之惡者之言也惟廓圍魏公乃為真東林其初高公弟子終日談學者也其終身所推重即高公推重者也所排斥即高公排斥者也至死不渝可為碩交公氣骨嚴冷如寒僧未仕及仕後持家約躬敝衣蔬食多在常情之外為給事使福藩途饋五百金不受會趙公司銓人材清濁必咨確以定推巡撫推吏部司官及轉垣多與眾敵悟高公辭掌憲公為首垣必推不肯捨也最惡廣微必欲折之而終為廣微所折以是東林諸公得禍最慘公被逮誣者以公中能賄公膏三疏彈熊矣至朝審人皆欲寬之

公必不肯署名即兩旨着緩死公力持死不可貸此在千百人共見事終始歷歷而誣者若是足見賢達之遭時厄而邪枉者之能障天也他曖昧中賍証誰復能疏白公辨最激切尤最多一時倡義為諸人首而奸人惡之更甚公慘死其子子敬甫嗣從京歸亦即哀慟死孫乃刺血上書尤見一門忠孝之持憶會奏時公密以疏示余催請部早竣謂文昇服上刑可灼次之余謂中禍之因則泄藥先而紅丸後文昇固用藥之人第鄭宮之人也謂無忌之志則泄藥隱而紅丸顯可灼乃德清之客又鴻臚之官也即並不免誅而可灼上刑文昇次之高公疏謂用藥垂簾原非兩案即四人宜一時並誅而微令人諷余何不及文昇亦足明余與東林終有持議不同處奏歸後公嘗再謁余於家談衷曲一意在公冠裳坐日盱乃去

何王二公

何公之在任也與東林仇者復入於是瘋癲之票再矣內廷有言此時科道何在如此危難並無人揀護公知之即以疏劾戚國泰厲甚且明以太子托戚身上時則有提牢主事心一 摘其口招上聞 神宗廷震召太子及諸臣面諭正法而諸修憾者不已竟除公僉事王公以察削奪俄公入賀萬壽節會 神宗晏駕內外洶洶科道之特公翼正者最多人而楊左為首所以破內之積謀獎外之戮力語言闕達疎動遠邇者實公倡之識者以為此時危疑非有諸忠正不能鎮壓諸忠正意氣謀畫非公面告語不能激發所謂

天授之時也後公隨陞太僕少卿久之出制撫廣西王公亦用公議再起京堂尋辦明前
事者疏語千百不休至乙丑兩公俱削奪而王公竟以志選疏宜償馬三道寃廷逮入即
死嗚呼三道之正法自 神宗面諭不知寃當何對而以公償耶皇上撥正後諸臣慘死
者無不備加恩卹獨王公詔復原官無他贈卹己已歲猶薰蕕都門外同難錄中及頌天
臚筆並毫無紀載及子孫呈請狀豈有畏不敢來京也謂當年逆惡狀盡出賊魏意然乎
哉何公邑鬱客死淮陽撥正後復原官名士晉王公陝西人名之衆即誠字張公至親所
劾挺擊事案最詳何公同郡者饒洪陸公為部郎癸丑年請之國時托言戚不宜阻遏行
期後復入會挺擊事劾戚奸謀不可不問辭旨憤厲出為江西撫州知府久之卒丁卯春
有兵部之臣差使者緝陸公并余蹤跡問之陸公家曰死久矣又問其子曰幼而貧使者
知何時去余嘗呼堂中曰吾家貧即有欵使來無出一分一文以餉也

薛葉二公

東林起自錫山後借是名毒者多人未必寶也乃與顧高最同心游最日親好絕無依阿
遷就熊應是東林之翹楚而終不及禍有東漢叙度林宗風者吾邑純臺薛公錫山園適
葉公也兩公性恬素善善與人同好而惡惡不與人同激切然涇渭極明分毫不可非義
干者慘同行也葉公尤酸楚筦蕪湖鈔一文不入為尚寶卿入其室無床無帳又無椅坐
惟一木榻一百年敝椅飯時一菜羹一雞卵而已時嚴風冷冽窗虛無紙公不知寒欵欵

言理義薰然坦然聲不一揚後為南刑部侍郎見時人多醜正直力與唐世濟爭辨再疏遂拂衣歸逆魏時人無指及者詩一冊跋三案後文一篇綱常大義焯焯也復屢薦不復召年七十二終薛公薰然聲不揚面目秀白里中呼為女郎為巡方御史值奔亂小帽不解衣日夜行城上者凡四閱月小刀袖中曰一不諧即刎耳初聞奢欲亂者旬餘公案代可他之矣獨乘障督率煊煊此時即詣兵大將不過成都完後遂飄然歸余累之索守川方畧終無所自言升僕少卿不復出余問之應曰兄尚南歸我何北為時相即師福清向曾以循良首用之者也後雖不薦剡亦無苛者年七十八終方余戍時公坐余內室見天氣愁慘白虹南北亘公嘆曰設魏逆有他吾盍不食死耳而葉公唁余於內室自誓亦云兩公對人笑言忻忻慨然許余以命此可為小怯而大勇者也薛公諱敷政葉公諱茂才兩公蓋捐者也如大洪如蓼洲可為狂者也大洪為上蓼洲次之圍適為上純臺次之有弟元臺名敷教性剛直在捐品中元臺為上圍適次之

袁御史

總逆行事當乙丑之建也自楊左外有魏袁魏則諫垣之長袁則臺中之長又首率同臺糾逆助楊者也楊疏初起時則杖殺萬工即指為陷朕不孝後則又杖殺經歷張恨小官亦學忠臣態從此惟所殺無不滿志真破竹之勢也豈可謂不智劉知府之建也夫以僧福哭亦君子今上人私取劉書僧扇出之內因逮劉俄而若悔若嗔人謂劉可生吾曰必

死矣已而逮實書扇者南錦衣歐陽什之尋什公謂簡竟以咀咒事斬先是逮楊左時令人遍布詐以為逆將不久敗又以為某某與仇勢力皆能扼逆竟殺時無敢有沮止者吾故以為劉必死豈可為不智賊逆之橫數十年來內侍未有若斯之悖者也王安之小心恭謹戴 神宗之終佐 光宗 熹宗之始自數千年來內侍未有若斯之忠者也忠悖自不兩立然 熹宗初數月王輒慘死以為妃侍之孽耳傳端午假歸力進規 熹宗微有怒羣十數小侍輒進曰今內外止知有王公公何知有萬歲耶問之何如曰頽足怒詈去不兩旬西廊瘦死人謂盜侍劉朝惡也後逮楊左時旨數稱與王安交構亂內外乃露出東謀豈可謂不深智第文煥數勸賊秀起事秀曰某某等未殺在又勸則曰某處兵入衛未到在文煥數曰待殺完到完則汝先矣尋借事亟歸是何異項羽之有增而秀且且酒色是娛何異俗傳三思輩景真天之所以開 聖明也不然賊亦戾戾乎幾幾乎賊操之徒也哉袁公名化中萬公名燦張公名汶慘死劉公名鐸斬連斬三人御史吳公名裕中以能事糾紹載杖一百立死則借逆行事者也他所借者吾不能詳歐陽名暉廣東人有僕王隨主逮佯罵主陰以金賄官旂委曲百方至都得輕治主德之欲與分家半并偕之坐廣人義之焉

周巡撫

綿貞周公名起元福之海澄人容貌溫和對人常忻忻然居官廉介持身端整無分毫顧

狗入臺會東林道學議起大駭之後泰議歷通州道陞太僕少卿尋巡撫江南不取民間服物用器糾李實再護楊姜又力參朱童蒙奪職去是皆公不顧身家犯必死者魏逆從京邸作疏取實空頭印本捏侵織造利羅忤己者概入東林道學名無不慘死公首列固宜入獄抗辨不屈死東林起自壬辰高公等家居已來者日衆名遂聞卽撫懷魯周公江右人素同學諸公雅重之然關涉不過府縣每達者過地方官輒有後言後以淮撫修吾李公旨革職去矣而邀南都言官及東南縉紳保留後北中保留者亦多錫山至謂李清廉一茗一烟遠近從此不平諸素好者嘖嘖至辛亥持察有身往過相規切者不意終為天下滋垢遂授奄官名而種之毒也夫淮撫之交東林者原無其實而空載以名夫公修廉持正勤勤為國不與東林關切乃借其名而被以實如實疏道學四字此何足中人適以成人耳夫使人人而果真道學也即萬死何傷矣東林禍起自高公其立朝諸疏侃直丰節為後代仰卽一嘗議何傷如魏公趙公清真持世雖師門之比亦忘者之言耳况他生平與東林無關而人品卓犖乃心王室橫被災禍者一時黯晦終不失為千古歐陽在諫院既進朋黨說其史論曰小人欲空人國孤立勢必進朋黨說君子常無罪小人欲加之罪則有可証者有不可証者惟加之黨則親戚故舊謂之朋黨可也交游執友謂之朋黨可也官學相向謂之朋黨可也門生故吏謂之朋黨可也大約善善之交交以其類同也如公之糾織造東林豈嘗有言蓼洲之稱公與勸一鷺其身豈嘗東林第其地之相及

則謂之朋黨可也。况又有東林仇而名之者，又有不免東林所繒繳而名之者，是不可誣者。概誣之矣。歐陽子曰：習俗以苟生不去為當然，至儒者享人之祿，任人之國，不顧其存正而反以其得為榮，嗚呼！甲子來三年事，幾欲為所不可為者多矣。豈惟不顧而已乎？幸聖明照臨，誅諸逆臣，仍定之逆案，諸慘死者有復有，贈有蔭有，謚其垂法，誠永永無窮極。夫古今名義國家利害，當人心跡無可沒，固不必東林與不東林也。世所傳吾不必盡言，吾言人不必盡知者焉。